

Ayacucho - Allin Piensasqan Qellqapa - Good Mind Scriptures

Levítico 24:12 Chaymi carcelman wichqaruspanku Tayta Diospa imam nisqanta ruwanankupaq suyarqaku.

Deuteronomio 18:6 Sichum hukkaqnin levita Israel nacionpi hukkaqnin llaqtapi yachasqanmanta Tayta Diospa akllasqan sitioman rinman hinaspaqa,

Rut 1:18 Rut mana imaraykupas rakikuyta munaptinmi, Noemiyqa chayta qawaykuspa manaña hikutarqañachu.

1 Crónicas 28:9 Kuyasqay churiy Salomón, qamñataqyá kay taytaykipa Diosninta reqsikuspayki tukuy sonqoykiwan hinaspa tukuy kallpaykiwan serviy. Tayta Diosqa llapa runakunapa sonqontam qawachkan, reqsintaqmi runapa imam munasqanta hinaspa tanteasqantapas. Diosta maskaspaykiqa tarinkim, payta saqeruptikim ichaqa paypas wiñaypaqña saqerusunki.

Nehemías 4:6 Chaywanpas hinam llamkarqaniku, chaymi llapa runakuna kusikuyllawanña perqasqankurayku chawpikama hatarirachirqaniku.

Job 23:13 Sichum ima ruwaytapas Dios tantearuptin ¿pitaq yanqacharunman? Payqa ima munasqantam ruwan.

Proverbios 29:11 Mana yachayniyuq runaqa piñakuynintam kachaykun, yachayniyuq runam ichaqa piñakuyninta tanichin.

Isaías 26:3 Dios Taytalláy, qamllapi tukuy sonqonwan hapipakuspa mana iskayrayaq runatam qamqa hawkallata waqaychanki.

Marcos 5:15 Jesuspa kasqanman chayaruspankum demoniokunapa huntasqan runataqa allin pachasqata hinaspa yuyayninman kutisqataña tiyachkaqta tariykurqaku; chaymi llumpayta mancharikururqaku.

Lucas 8:35 Chaymi llapa runakuna ima pasakusqanta qawamunankupaq kallparqaku. Jesuspa kasqanman chayaruspankum, demoniopa huntasqan runataqa allin pachasqataña hinaspa yuyayninman kutisqataña Jesuspa waqtanpi tiyachkaqta tariykurqaku, hinaspa mancharikurqaku.

Hechos 17:11 Chay Berea llaqtapi kaq judiokunam Tesalonicapi kaqkunamantapas allin yuyayniyuq runakunam karqaku. Paykunam kusikuyllawanña Diospa palabranta uyarispanku Chuya Qellqata sapa punchaw allinta qatiparqaku, cheqap kasqanta otaq mana cheqap kasqanta yachanankupaq.

Hechos 20:19 Llapa judiokuna imataña ruwawayta munaptinkupas humillakuspaymi waqastinpas hinaspa ñakaristinpas Señorinchikta servirqani.

Romanos 7:25 Ichaqa Diosman gracias kachun Señorinchik Jesucristomanta. Yuyaymanayniywanqa Diospa leynintam kasukuni, aychaywanñataqmi huchapa kamachikuyninta kasukuni.

Romanos 8:6 Aychapa munasqanman hina kawsayqa wañuymi, Espiritupa munasqanman hina kawsaymi ichaqa kawsaytawan hawkayayta qowanchik.

Romanos 8:27 Llapa runakunapa sonqon reqsiq Diosmi yachan Chuya

Espiritupa imam nisqanta. Payqa Diospa munasqanman hinam llapallan ñiqkunapaq mañapun.

Romanos 11:34 Chaynaqa: ¿Pitaq Señorpa imam piensasqanta yachanman? ¿Pitaq payta consejaya atinman?

Romanos 12:2 Kay tiempopi runakunapa ruwasqantaqa ama qatipakuychikchu, aswanqa yuyaymanaynikichiktayá allinmanña tikraychik, chaynapi kawsaynikichik musoqña kananpaq. Chaynata kawsaspam yachankichik imaynam Diospa munayninman hina hinaspa mana pantaspa paypaq hina kawsaya.

Romanos 12:16 Huk sonqolla kawsaychik, ama hatunchakuspa aswanqa humillakuspa kawsakuychik, amataq llumpay yachayniyuqpaqpas hapikuychikchu.

Romanos 14:5 Wakinkuñataqmi ninku: Kay punchawmantaqa wak punchawmi aswan allinqa, nispanku. Wakinñataqmi lliw punchawkunata chaynallapaq hapinku. Chaynata tanteaspankuqa sapakamayá sonqonkupa nisqanman hina takyachunku.

Romanos 15:6 chaynapi Señorinchik Jesucristopa Taytan Diosninchikta llapallaykichik huk similla yupaychanaykichikpaq.

1 Corintios 1:10 Wawqe-panillaykuna, Señorinchik Jesucristopa sutinpim ruegoakamuykichik, rimaynikichikpas hukllayá kachun, amayá qamkunapiqa rakinakuyqa kachunchu; qamkunaqa huk sonqollayá hinaspa huk piensayniyuqllayá kaychik.

1 Corintios 2:16 ¿Pitaq Señorpa piensasqanta yachanman? ¿Pitaq payta consejaya atinman? Ñoqanchikmi ichaqa Cristopa piensasqanman hina piensanchik.

2 Corintios 7:7 Manam paypa chayamusqallanwanchu kusikurqanikuqa, aswanqa Titotapas kallpanchasqaykichikwanmi. Paymi qamkunapa kuyawasqaykichikmanta chaynataq llakikuspa rikuykuy munawasqaykichikmanta willawarqa. Chaykunata yachaykuspaymi aswanraq kusikurqani.

2 Corintios 8:12 Pipas cheqapta qoyta munaptinga, kapuqninman hina qosqan ofrendatam Diosqa chaskinqa. Diosqa manam mañanchu mana kapuqniyuqmantaqa.

2 Corintios 9:2 Yachaniñam yanapakuy munasqaykichiktaqa, chaymi Macedonia lawpipas kusikuywan willakuni: Acaya lawpi kaqkunaqa qayna watamantaraqmi yanapakunankupaq chaylla karqaku, nispay. Chayta yachaykuspankum Macedonia lawpi kaqkunapas yaqa llapallanku yanapakuyta munarqaku.

2 Corintios 13:11 Wawqe-panillaykuna, kuisqa kawsanaykichiktam munani, chuya kawsaytayá maskaychik. Kallpanchanakuspaykichikyá huk sonqolla hinaspa hawkalla kawsakuychik, chayna kaptinqa kuyakuq hinaspa hawkayay qokuq Diosmi qamkunawan kanqa.

Efesios 4:23 Yuyaymanaynikichiktayá musoqyachiychik.

Filipenses 2:2,3 lliwchaykichikyá kusichipaychik: Huk pensamientoyuqlla, huk

kuyakuyniyuqlla, huk sonqolla hinaspa huk sientiqla kaspaykichik. 3 Amayá cheqnikuspaqa nitaq hatun tukuspaqa imatapas ruwaychikchu, aswanqa uchuychakuspayá kikikichikmantapas aswan allinpaqraq wakinkunata hapiychik.

Filipenses 4:2 Evodiatawan Sintiquetam ruegoakuni, Señorinchikman ñiñkuna hina huk sonqolla kanankupaq.

Filipenses 4:7 Diosninchikmi hawkayayta qosunkichik, chaytaqa manam runaqa entiendeyta atinchu, chay hawkayaymi sonqoykichiktawan yuyaymanaynikichikta Jesucristopi waqaychanqa.

Colosenses 3:12 Diosmi kuyasusqaykichikrayku akllasurqankichik payllapaqña kanaykichikpaq, chaynaqa musoq pachawan pachakuchkaq hinayá pachallikuychik: Allin kaqkuna ruwaywan, llakipayakuywan, sumaq sonqo kaywan, uchuychakuywan, llampu sonqo kaywan hinaspa pacienciakuywan.

2 Tesalonicenses 2:2 Amayá chayllaqa piwanpas engañarachikuychikchu, amataqyá mancharikuychikchu “Señorpa kutimunan punchawqa chayaramunñam” nispa willasuptikichikpas. Willasunkichikqa Espiritupa atiyinwan rimachkaq hinaraqmi, sumaq palabrawanraqmi hinaspa cartaykutapas chaskichkaq hinaraqmi.

2 Timoteo 1:7 Diosqa manam manchakuy espiritutachu qowarqanchik, aswanqa atiywan, kuyakuywan hinaspa sonqonchik controlakuq kananchikpaqmi.

Tito 2:6 Jovenkunatapas allin yuyayniyuq kanankupaq rimapayay.

Hebreos 8:10 Chay punchawkuna pasaruptinmi Israel miraykunawan pactota ruwasaq. Ñoqa Señormi kaynata nini: Leyniykunatam yuyaynikuman churasaq, sonqonkupim qellqasaq, paykunapaqmi Diosninku kasaq, paykunañataqmi llaqtay kanqa.

1 Pedro 1:13 Chaynaqa, listolla kaspayá imam ruwanaykichikmanta sumaqta yuyaymanaychik, rikchan-rikchanllayá kaychik Jesucristo rikurimuptin Diospa kuyakuyninman hina imam qosunaykichikta tukuy sonqoykichikwan suyaspa.

1 Pedro 5:2 Nanachikunaykichikpaq qosusqaykichik Diospa ovejankunatayá michiychik. Chaytaqa Diospa munasqanman hinayá ruwaychik, amayá hikutasqallachu nitaq qollqeraykullachu, aswanqa tukuy sonqoykichikmanta.

2 Pedro 3:1 Kuyasqay wawqe-panillaykuna, kaywanqa iskay cartatañam apachimuykichik, kay cartakunawanmi allin tanteoyuq kanaykichikpaq kallpanchamuykichik.

Apocalipsis 17:9 Kaykuna entiendeyqa yachayniyuqpaqmi: Qanchis umakunaqa rikchakun warmipa tiyasqan qanchis moqokunamanwan,